



Go bolokega ga inthanete

Patricia Ndlovu

Sibusiso Khumalo






Inthanete e go fa sebaka sa go ithuta, go bapala dipapadi, go reka le go bolela le bagwera ba gago go swana le ka mokgwa woo o dirago letšatši le lengwe le le lengwe.

Inthaneteng e ka ba lefelo le kotsi baneng.


Lebaka ke gore batho ba bangwe ba šomiša inthanete ka maikemišetšo a mabe.



Batho ba bangwe ba babe bao ba šomišago inthanete ke:

- Mahodu a go utswa boitsebišo bja gago.
- Bomphenyašilo ba inthanete ba go go tshwenya, go go hlabiša dihlontlong goba go go tlontlolla.
- Batho ba go go hlohleletša go ikamantšha le bona ka bofora gore ba go hlorige.

Bala go iša pele ka se matlakaleng a a latelago.



Gore o dule o bolokegile go mahodu a boitsebišo, o se ke wa abelana ka tshedimošo ya gago inthaneteng:

- Leina la gago la nnete.
- Dinomoro tša gago tša mogala.
- Aterese ya moo o dulago.
- Tshedimošo ka ba geno.
- Leina la sekolo sa gago.


Tshedimošo ye e thuša mahodu gore a kgone go itira wena inthaneteng.



Mphenyašilo wa inthanete ke motho wa:

- Go abelana ka ditaba tše mpe ka wena.
- Wa go go hloya.
- O hwetšagala dipoledišanong tša inthanete, dipapading le diemeiling.

Botša motho yo o mo tshepago ge o belaela gore go na le mphenyašilo mo bophelong bja nnete goba inthaneteng.



Bomphenyašilo ba inthanete gantši ke batho ba bagolo. Ba ka leka go:

- Nyakišiša dilo ka moka ka wena.
- Netefatša gore o mo tshepe.
- Go laetša a lokile, ebile a na le tlhokomelo.
- Kgopela seswantšho sa gago.
- Go go hlohleletša gore o dire dilo tše kotsi.

Hlokomela gore o kopana le mang inthaneteng.



Ga se batho ba babe fela bao re ba hwetšago inthaneteng. Go na gape le tshedimošo ya maaka ya kotsi.

O se ke wa kgolwa dilo ka moka tše o di balago inthaneteng.


Kgopela motswadi goba morutiši wa gago gore a go thuše go netefatša ge eba tshedimošo e nepagetše goba e fošagetše.



Ge o šoma inthaneteng:

- Eba le maikarabelo.
- Eba le tlhompho.
- Ela tlhoko.

O tla bolokega ge o ka dira tše ka moka ge o le inthaneteng.



Tshedimošo le diswantšho tšeo o di pharago inthaneteng ke maikarabelo a gago ka botlalo.

Nagana gabotse pele o phara selo inthaneteng.


Tshedimošo goba diswantšho tše o di pharago di ka šomišwa kgahlanong le wena goba ba geno.

Inthanete ga e lebale se o se pharago, le ge o ka se phumola.



Itlhomphe o be o hlomphe le batho ba bangwe
inthaneteng: ka se o se bolelago, se o se pharago le se
o se dirago.

O se ke wa lewa ke dihlong go botša batswadi ba gago
ka se se diregago goba ka batho ba o kopanago le
bona inthaneteng.



O dule o phafogile ge o le inthaneteng. Ga se batho ka moka bao ba tlo bago bagwera ba gago.

Šomiša tshedimošo ye e lego pukung ye go go hlahla gore o dule o bolokegile ge o le inthaneteng.

—Dipotšišo

1. Efa dilo tše pedi tše o ka di dirago inthaneteng.
2. Efa mehuta ye meraro ya batho bao ba dirago dilo tše mpe inthaneteng.
3. Gobaneng go le bohlokwa gore o kgopele thušo go motho yo mogolo ge o šomiša inthanete?
4. Ngwala dilo tše pedi tše o sego wa swanela go abelana ka tšona inthaneteng.
5. Ke eng seo o swanetšego go se dira ge o ikwa o se wa bolokega inthaneteng?
6. Hlaloša mehuta ye mebedi ya tshedimošo go tšwa inthaneteng yeo e ka bago ye mpe go wena.
7. Ga se bagwera ka moka ba e lego bagwera ba nnete. Se se ra goreng?
8. O lekola bjang ge eba tshedimošo yeo o e balago inthaneteng e le therešo?

Puku ye ke ye nngwe ya tlhatlamano ya dipuku tše nne tša go tsebiša direrwa tša thekenolotši ya khomphutha.

Puku ye ya dikanegelo e hlametšwe ba Zenex Ulwazi Lwethu bjalo ke projeke ya go bala ya 2021.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education
Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Go bolokega ga inthanete

Author/s: Patricia Ndlovu

Translator/s: Connie Makgabo

Illustrator/s: Sibusiso Khumalo

Assurer/s: Dikeledi Queen Shai

Language: Sepedi



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

